

ও বন্ধু আমার

মখদুম আজম মাশরাফী

যখন পার্কে যাও শপ মলে অথবা সৈকতে---
আজও কি সে হাত ধরে পাশে হাতে তোমার ভ্রমনে?
আজও কি সে গরম চায়ের পেয়ালা হাতে বসে এসে পাশে
উষ্ণ তার সঙ্গখানি দিতে?

আহা সে মধুর যৌবন গত আজ, দেহের আঙনে নেই
সেকালের অফুরন্ত তেজ,
তবু হৃদয়ের পদ্মপুটে পবিত্র হোমের উত্তাপ
নীল কমলের মত স্নিগ্ধ হয়ে নিরন্তর জ্বলে।

মাতাল গতির সেই দিনগুলি গত হয়ে এলে
মনের ক্ষুধায় নৃজ্য ক্লান্ত আবেশে
আজও খুব ইচ্ছে করে দুহাতে জড়াতে তারে;
যার সব ভাল-মন্দ ভালোবাসা যায়,
যার সব ভুলভ্রান্তি এক ক্লিকে মুছে ফেলা যায়,
যার বুকে মাথা রেখে এখনও যায় যে ভোলা
পৃথিবীর বহু ঝড়ো রাত্রি ও দিন।

সাধ জাগে, পৃথিবী ভ্রমনে যাও,
ডুবে যাওয়া সূর্যের করণ আঙন দেখে সমুদ্রের জলে
বিষন্ন সুখের বোধে বৃদ হয়ে বসে থাকো
ক্রুজ শিপে, 'ডেকে--।

তোমাকে জড়ানো ঐ কোমল বাহুতে
হয়তো নেই কো সেই লাবন্য কুসুম,
তবে আছে পৃথিবীর যত মায়া, যত ভালোবাসা..
যত সুখ, যত শান্তি, যত পেলবতা।

পাড়ি দিতে বাকিটুকু জীবনের বিষন্ন বিকেল
মনে রেখো শুধু চাই স্মৃতি, উষ্ণ সান্নিধ্য আর
পরস্পরে কাঁধে রাখা নির্ভর ভার।

২৬ ফেব্রুয়ারী ২০১২

মেলবর্ন-ওয়ারনামবুল ট্রেনে।